

U G O V O R

1. **Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida**, ul. Širokac 22, Sarajevo, koga zastupa v.d. direktor Suad Zijadić, prof. (u daljem tekstu: **Ugovorni organ**)
i
2. **ELUR d.o.o.**, ul. Žrtava domovinskog rata broj 2., Kiseljak, koga zastupa Kristić Marko (u daljem tekstu: **Dobavljač**)

I PREDMET UGOVORA

Član 1.

Predmet ovog Ugovora je nabavka računara i računarske opreme, a sve po jediničnim cijenama Dobavljača prema Ponudi nakon provedene e-aukcije dana 15.05.2017.godine, koja je sastavni dio ovoga ugovora.

II CIJENA I NAČIN PLAĆANJA

Član 2.

Netto vrijednost ugovora iznosi	6.502,34 KM
PDV17% u iznosu od	1.105,34KM

Ugovorne strane su saglasne da ukupna vrijednost ugovora sa uključenim PDV-om 17 % iznosi

7.607,34 KM

(slovima:sedamhiljadašeststotinasedam i 34/100 KM)

Član 3.

Ugovorne strane su saglasne da će Ugovorni organ Dobavljaču platiti vrijednost ugovora nakon isporuke predmeta ugovora, a u zakonskom roku, računajući od dana dostavljanja ovjerene fakture u Fond memorijala.

III ROK ISPORUKE

Član 4.

Ugovorne strane su saglasne da je rok izvršenja predmeta Ugovora 30 /trideset/ kalendarskih dana od dana obostranog potpisa ugovora.

Član 5.

U slučaju kašnjenja u isporuci opreme, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene opreme, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti opreme koja je predmet javne nabavke. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

IV MJESTO ISPORUKE

Član 6.

Ugovorne strane su saglasne da je mjesto isporuke predmeta ugovora službene prostorije Fonda memorijala, ulica: Širokac broj 22, Kovači - Sarajevo.

V GARANTNI ROK

Član 7.

Za opremu iz člana 1.ovog Ugovora dostavlja se garantni list.
Dobavljač se obavezuje da će za vrijeme trajanja garancije bez naknade otkloniti sve eventualne nepravilnosti predmeta ugovora, ukoliko su iste obuhvaćene garancijom.

Član 8.

Garancija za kvalitet isporučene i ugrađene opreme mora biti dostavljena u originalu.
Garancija za računarsku opremu obuhvata sve kvarove nastale uslijed grešaka u proizvodnji i materijalu.
Dobavljač će u toku garantnog perioda održavati opremu u funkcionalnom stanju i u okviru toga izvršavat će se redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravn dio opreme. Sve neispravne komponente ili dijelovi računarske opreme ostaju vlasništvo Dobavljača.
Garancija se ne priznaje u slučaju kada je do kvara opreme došlo usljed:

- nepravilne, nestručne upotrebe opreme,
- neadekvatnih uslova za rad opreme i
- više sile

Kupac gubi pravo na garanciju ako u toku garantnog perioda, bez pristanka Dobavljača, sam ili putem trećih lica vrši popravke na predmetu Ugovora.

VI OSTALE ODREDBE

Član 9.

Servis osiguran kod Dobavljača.
Kvalitativni i kvantitativni prijem predmeta ugovora će se vršiti prilikom preuzimanja istog.
Ukoliko isporučeni predmet ugovora ne odgovara naručenom, u pogledu kvantiteta i asortimana Ugovorni organ isti neće primiti.

Član 10.

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima.

Član 11.

Ovaj ugovor je sačinjen u 4 /četiri/ istovjetna primjerka, od kojih obje ugovorne strane zadržavaju po 2 / dva/ primjerka.

Član 12.

Ugovor stupa na snagu danom obostranog ovjeravanja i potpisivanja ugovora od strane ovlaštenih zastupnika ugovorenih strana.

ZA UGOV ORGAN
v.d. DIREKTOR
Suad  **prof.**

Broj:13-14-02-181/17
Sarajevo, 29.05.2017.godine



ZA DOBAVLJAČA
DIREKTOR
Kristić Marko

Broj:
Sarajevo,

